

Aduertentias para

¶ Frater Alphonsus de Cassarrubias Capucinus, & Collector priuilegiorum Ordinis Cistercij referunt Innocentium 8. concessisse Prioribus Ordinis Sancti Hieronymi & Vicarijs in absentia Prioris, & cuilibet habenti principale regimen cuiuscunq; Monasterij, posse benedicere corporalia, vestimenta, ceteraq; ornamenta Ecclesiastica ad cultum diuinum pertinentia, tam sui Monasterij, quam etiã vndecunq; sint. Ex hoc magno, & amplo priuilegio tria colligit Pater Emanuel vbi supra. Primo Guardianos, & Priores Conuentuales posse benedicere corporalia licet aliquando capitulum Generale Meclinense determinauerit & praeceperit, qd solum Prouinciales habeant benedicere corporalia: nam post dictum capitulum habemus supra dictas concessiones, quæ nobis per communicationem conceduntur. Et in lib. Ceremonialium nostræ religionis recepto & approbato in congregatione Generali Toletana fol. 313. aduertitur, qd Guardiani habent istam facultatem, & ea vti possunt. Secundo colligitur, qd Vicarij in absentia Guardianorum & Priorum possunt etiam benedicere corporalia.